



Coimisiún na Scrúduithe Stáit

Scrúdú na hArdteistiméireachta, 2026

# Ríomheolaíocht

Roinn C

Ardleibhéal

Dé Céadaoin, 20 Bealtaine Maidin 11:30 – 12:30

80 marc

Ná tabhair an ceistpháipéar seo ar ais.  
Ní chuirfear an doiciméad seo ar ais chuig  
Coimisiún na Scrúduithe Stáit.

## Treoracha

Tá roinn amháin sa pháipéar seo.

|                                      |                 |              |         |
|--------------------------------------|-----------------|--------------|---------|
| Roinn C                              | Ríomhchlárúchán | Ceist amháin | 80 marc |
| Freagair <b>gach</b> cuid den cheist |                 |              |         |

Freagair **gach** cuid den cheist ar do ghléas digiteach.

Is ceadmhach áireamhain a úsáid sa roinn seo den scrúdú.

Ní ceadmhach an leabhrán *Foirmlí agus Táblaí* a úsáid don roinn seo den scrúdú.

Tabharfaidh an feitheoir cóip duit de Threoir Thagartha Python.

Cinntigh go sábhálfaidh tú do chuid oibre go rialta.

Úsáid an struchtúr ainmnithe a bhfuil cur síos air i dtús gach coda de cheist agus tú ag sábháil do chuid comhad.

I gcás nach n-éiríonn leat píosa áirithe cóid a chur ag obair i gceart, is féidir leat an píosa cóid sin a athrú ina nóta tráchta ionas go mbeidh tú in ann dul ar aghaidh. Déanfaidh an scrúdaitheoir an cód atá anois ina nóta tráchta a athbhreithniú.

Tá leathanaigh le haghaidh sracoibre ar fáil i gcúl an leabhráin seo. Tabhair do d'aire nach bhfuil an leabhrán seo le tabhairt ar ais agus **nach** ndéanfaidh an scrúdaitheoir athbhreithniú ar an leabhrán seo.

Ag deireadh an scrúdaithe, is ortsa atá an fhreagracht a chinntiú go bhfuil do chomhaid sábháilte ar do mheáin sheachtracha.

Cuirfear clúdach donn ar fáil duit le haghaidh do mheán seachtrach. Scríobh do scrúduimhir ar an gclúdach sin agus cuir do mheáin sheachtracha isteach ann sula gcuireann tú séala air. Ansin, cuir an clúdach sin isteach sa phúitse atá ar thosach an chlúdaigh dheirg ina bhfuil do leabhrán scrúdaithe ó Roinn A agus Roinn B.

Níl aon ábhar scrúdaithe ar an leathanach seo

Freagair **gach** cuid den cheist.

**Ceist 16**

- (a) Ar do ghléas, oscail an ríomhchlár ar a dtugtar **Ceist16\_A.py**. Taispeántar an cód foinseach thíos agus déantar cur síos achomair air ar an gcéad leathanach eile.

Sula ndéanfaidh tú aon athrú air, is cóir duit do chóip oibre den chomhad a shábháil san fhormaid **ScrúduimhirCeist16\_A.py**. Mar shampla, dá mba é 123456 do Scrúduimhir, is faoin ainm **123456Ceist16\_A.py** a shábhálfá an comhad.

Scríobh do Scrúduimhir sa spás atá ar fáil ar **líne 2** i do chomhad *Python*.

```
1 # Ceist 16 (a)
2 # Scrúduimhir:
3
4 # Feidhm chun scór soléiteachta téacs a ríomh
5 def calculate_readability_score(text):
6
7     # Roinn an téacs ina liosta focal
8     words = text.split()
9     print("An liosta focal sa téacs:\n", words)
10
11     # Túsáigh na háiritheoirí focal
12     word_count = len(words) # An líon focal sa liosta
13     short_word_count = 0
14
15     # Túsáigh an líon abairtí
16     sentence_count = text.count(".")
17
18     # Ríomh an scór soléiteachta
19     score = word_count * sentence_count
20     score = round(score, 2) # Slánaigh an scór go dtí 2 i.d.
21
22     return score
23
24 # Socraigh an téacs le hanailísiú
25 text1 = "Elaborate sentences influence readability in subtle
26 and unpredictable ways."
27 text2 = "I do not like green eggs and ham! I do not like
28 them Sam I am!"
29
30 # Ríomh an scór le haghaidh text1
31 score1 = calculate_readability_score(text1)
```

Is éard is scór soléiteachta ann ná meastachán ar a éasca nó a dheacra agus atá sé píosa téacs a léamh.

Tá feidhm ar a dtugtar `calculate_readability_score` sa ríomhchlár seo a dhéanann amach agus a chuireann ar ais scór soléiteachta píosa téacs a sheachadtar inti. Déantar an líon focal (`word_count`) a iolrú faoin líon abairtí (`sentence_count`) sa téacs atá á phróiseáil chun an scór a ríomh ar líne 19.

Túsaíonn línte 25 agus 26 dhá athróg - `text1` agus `text2` - le habairtí a ndéanfaidh an fheidhm próiseáil orthu.

Glaonn líne 29 an fheidhm `calculate_readability_score` le haghaidh `text1` agus stóráilann sí an toradh in `score1`.

Nuair a ritear an ríomhchlár, is mar a leanas an t-aschur ar an scáileán:

```
An liosta focal sa téacs:  
['Elaborate', 'sentences', 'influence', 'readability',  
'in', 'subtle', 'and', 'unpredictable', 'ways.']
```

Déan na hathruithe seo a leanas ar an ríomhchlár:

- (i) Modhnaigh an ríomhchlár ionas go dtaispeánfar an scór soléiteachta le haghaidh `text1` agus líne bhán ina dhiaidh.

Nuair a ritear an ríomhchlár, is mar a leanas a d'fhéadfadh an t-aschur ar an scáileán a bheith anois:

```
An liosta focal sa téacs:  
['Elaborate', 'sentences', 'influence', 'readability',  
'in', 'subtle', 'and', 'unpredictable', 'ways.']  
Scór Soléiteachta 1: 9
```

- (ii) Cuir píosa leis an ríomhchlár ionas go nglaonn sé an fheidhm `calculate_readability_score` le haghaidh `text2` agus go stóráilann sé an toradh in athróg ar a dtugtar `score2`. Taispeáin an scór soléiteachta le haghaidh `text2` agus líne bhán ina dhiaidh.

Nuair a ritear an ríomhchlár, is mar a leanas a d'fhéadfadh an t-aschur ar an scáileán a bheith anois:

```
An liosta focal sa téacs:  
['Elaborate', 'sentences', 'influence', 'readability',  
'in', 'subtle', 'and', 'unpredictable', 'ways.']  
Scór Soléiteachta 1: 9
```

```
An liosta focal sa téacs:  
['I', 'do', 'not', 'like', 'green', 'eggs', 'and',  
'ham!', 'I', 'do', 'not', 'like', 'them', 'Sam', 'I',  
'am!']  
Scór Soléiteachta 2: 0
```

*Leantar den cheist seo ar an gcéad leathanach eile.*

- (iii) Baineann an ríomhchlár úsáid as lánstad chun deireadh abairte a aithint. Modhnaigh an ríomhchlár ionas go gcuirfear comharthaí uailbhreasa (!) san áireamh mar dheireadh abairte.

Nuair a ritear an ríomhchlár, is mar a leanas a d'fhéadfadh an t-aschur ar an scáileán a bheith anois:

```
An liosta focal sa téacs:  
['Elaborate', 'sentences', 'influence', 'readability',  
'in', 'subtle', 'and', 'unpredictable', 'ways.']  
Scór Soléiteachta 1: 9  
  
An liosta focal sa téacs:  
['I', 'do', 'not', 'like', 'green', 'eggs', 'and',  
'ham!', 'I', 'do', 'not', 'like', 'them', 'Sam', 'I',  
'am!']  
Scór Soléiteachta 2: 32
```

- (iv) Cuir píosa leis an ríomhchlár chun an dá scór - score1 agus score2 - a chur i gcomparáid le chéile mar seo a leanas:

- Má tá an dá scór mar an gcéanna, taispeáin an teachtaireacht: *Tá an dá scór mar an gcéanna.*
- Má tá score1 níos lú ná score2, taispeáin an teachtaireacht: *Tá an chéad téacs níos éasca a léamh.*
- Má tá score2 níos lú ná score1, taispeáin an teachtaireacht: *Tá an dara téacs níos éasca a léamh.*

Nuair a ritear an ríomhchlár, is mar a leanas a d'fhéadfadh an t-aschur ar an scáileán a bheith anois:

```
An liosta focal sa téacs:  
['Elaborate', 'sentences', 'influence', 'readability',  
'in', 'subtle', 'and', 'unpredictable', 'ways.']  
Scór Soléiteachta 1: 9  
  
An liosta focal sa téacs:  
['I', 'do', 'not', 'like', 'green', 'eggs', 'and',  
'ham!', 'I', 'do', 'not', 'like', 'them', 'Sam', 'I',  
'am!']  
Scór Soléiteachta 2: 32  
  
Tá an chéad téacs níos éasca a léamh.
```

- (v) Déanann líne 13 sa ríomhchlár bunaidh athróg ar a dtugtar `short_word_count` a thúsú go 0. Is éard is *focal gearr* ann aon fhocal a bhfuil dhá charachtar nó níos lú ann. Modhnaigh an ríomhchlár ionas go gcomhairfidh sé an líon focal gearr i ngach píosa téacs. Stóráil an toradh in `short_word_count` agus taispeáin a luach.
- Nuair a ritear an ríomhchlár, is mar a leanas a d'fhéadfadh an t-aschur ar an scáileán a bheith anois:

```
An liosta focal sa téacs:
['Elaborate', 'sentences', 'influence', 'readability',
'in', 'subtle', 'and', 'unpredictable', 'ways.']
Focail Ghearra: 1
Scór Soléiteachta 1: 9

An liosta focal sa téacs:
['I', 'do', 'not', 'like', 'green', 'eggs', 'and',
'ham!', 'I', 'do', 'not', 'like', 'them', 'Sam', 'I',
'am!']
Focail Ghearra: 5
Scór Soléiteachta 2: 32

Tá an chéad téacs níos éasca a léamh.
```

- (vi) Nuashonraigh an cód a ríomhann an scór soléiteachta chun an fhoirmle seo a úsáid:

$$0.4 \times \left( \frac{\text{iomlán na bhfocal}}{\text{iomlán na n-abairtí}} + 100 \times \frac{\text{iomlán na bhfocal} - \text{focail ghearra}}{\text{iomlán na bhfocal}} \right)$$

nuair

- is é *iomlán na bhfocal* an athróg `word_count`
- is é *iomlán na n-abairtí* an athróg `sentence_count`
- is é *focail ghearra* an athróg `short_word_count`

Nuair a ritear an ríomhchlár, is mar a leanas a d'fhéadfadh an t-aschur ar an scáileán a bheith anois:

```
An liosta focal sa téacs:
['Elaborate', 'sentences', 'influence', 'readability',
'in', 'subtle', 'and', 'unpredictable', 'ways.']
Focail Ghearra: 1
Scór Soléiteachta 1: 39.16

An liosta focal sa téacs:
['I', 'do', 'not', 'like', 'green', 'eggs', 'and',
'ham!', 'I', 'do', 'not', 'like', 'them', 'Sam', 'I',
'am!']
Focail Ghearra: 5
Scór Soléiteachta 2: 30.7

Tá an dara téacs níos éasca a léamh.
```

*Leantar den cheist seo ar an gcéad leathanach eile.*

- (vii) Modhnaigh an ríomhchlár ionas go gcomhairfidh sé an líon focal casta i ngach abairt. Áirítear focal mar fhocal casta má tá trí shiolla nó níos mó ann.

Cur chuige heorastúil simplí chun siollaí a chomhaireamh is ea gach guta (a, e, i, o, u) a chomhaireamh mar shiolla agus ansin 1 a bhaint má chríochnaíonn an focal ar an litir 'e', riail a dtugtar 'riail an e bhailbh' uirthi.

Samplaí:

- Tá siolla amháin san fhocal *make* mar tá dhá ghuta ann ach críochnaíonn sé ar 'e'.
- Tá cúig shiolla san fhocal *readability* mar tá cúig ghuta (e, a, a, i agus i) ann.

Nuair a ritear an ríomhchlár, is mar a leanas a d'fhéadfadh an t-aschur ar an scáileán a bheith anois:

```
An liosta focal sa téacs:  
['Elaborate', 'sentences', 'influence', 'readability',  
'in', 'subtle', 'and', 'unpredictable', 'ways.']  
Focail Ghearra: 1  
Focail Chasta: 5  
Scór Soléiteachta 1: 39.16
```

```
An liosta focal sa téacs:  
['I', 'do', 'not', 'like', 'green', 'eggs', 'and',  
'ham!', 'I', 'do', 'not', 'like', 'them', 'Sam', 'I',  
'am!']  
Focail Ghearra: 5  
Focail Chasta: 0  
Scór Soléiteachta 2: 30.7
```

Tá an dara téacs níos éasca a léamh.



- (b) Ar do ghléas, oscail an ríomhchlár ar a dtugtar **Ceist16\_B.py**. Níl ach dhá nóta tráchta sa chomhad sin, ar líne 1 agus líne 2.



Sula gcuirfidh tú aon chód leis, is cóir duit do chóip oibre den chomhad a shábháil san fhormáid **ScrúduimhirCeist16\_B.py**.

Mar shampla, dá mba é 123456 do Scrúduimhir, is faoin ainm **123456Ceist16\_B.py** a shábhálfá an comhad.

Scríobh do Scrúduimhir sa spás atá ar fáil ar **líne 2** i do chomhad Python.

Iarrtar ort cluiche scórála focal a chur i bhfeidhm.

Tá aschuir shamplacha ar an gcéad leathanach eile.

Ba chóir duit nótaí tráchta a úsáid ar fud do ríomhchláir chun do chód a mhíniú. D'fhéadfadh sé go mbeifeá ag iarraidh cuid den chód a d'úsáid tú i **gcuid (a)** a úsáid arís mar chuid de do réiteach.

Ba cheart don ríomhchlár dul ar aghaidh de réir an tseichimh seo a leanas:

- Iarr ar an úsáideoir focal a chur isteach leis an leid:  
Cuir focal isteach:
- Ní cheadaítear san fhocal ach litreacha (A-Z nó a-z).  
Má chuireann an t-úsáideoir digit, spás nó poncaíocht isteach, ba cheart don ríomhchlár teachtaireacht earráide a thaispeáint agus an focal a iarraidh arís.
- Tiontaigh an focal ina chás uachtair sula dtugtar scór dó.
- Tabhair scór don fhocal de réir na rialacha seo:
  - 1 phointe le haghaidh gach ceann de na litreacha seo: A, E, I, O agus U
  - 5 phointe le haghaidh gach ceann de na litreacha seo: V, W, X, Y agus Z
  - 3 phointe le haghaidh gach litreach eile.
- Tar éis don ríomhchlár scór a thabhairt do gach focal, ba cheart dó:
  - an focal agus scór an fhocail agus an scór iomlán go dtí sin a thaispeáint i dteachtaireacht chuí
  - an focal is airde scór go dtí seo a choinneáil sa chuimhne ionas gur féidir é a thaispeáint ag deireadh an chluiche.
- Ba cheart don ríomhchlár a fhiafraí den úsáideoir ansin ar mhaith leis/léi imirt arís leis an leid:  
Ag iarraidh imirt arís? [T/N]:  
Má chuireann an t-úsáideoir T nó t isteach, imreofar an cluiche arís.  
Má chuireann an t-úsáideoir aon rud seachas T nó t isteach, cuirfear deireadh leis an gcluiche agus ba cheart don ríomhchlár teachtaireacht a thaispeáint ina bhfuil an focal is airde scór chomh maith le scór an fhocail sin.

*Leantar den cheist seo ar an gcéad leathanach eile.*

### Aschur samplach 1:

```
Cuir focal isteach: python
Focal: PYTHON, Scór: 18, Scór iomlán: 18
Ag iarraidh imirt arís? [T/N]: t
Cuir focal isteach: exam
Focal: EXAM, Scór: 10, Scór iomlán: 28
Ag iarraidh imirt arís? [T/N]: n

Scór iomlán: 28
An focal is airde scór: PYTHON, 18 de phointí
```

### Aschur samplach 2:

```
Cuir focal isteach: test123
Focal neamhbhailí.
Cuir focal isteach: testing 1 2 3
Focal neamhbhailí.
Cuir focal isteach: test@ing!
Focal neamhbhailí.
Cuir focal isteach: testing
Focal: TESTING, Scór: 17, Scór iomlán: 17
Ag iarraidh imirt arís? [T/N]: T
Cuir focal isteach: Examination
Focal: EXAMINATION, Scór: 23, Scór iomlán: 40
Ag iarraidh imirt arís? [T/N]: T
Cuir focal isteach: computer
Focal: COMPUTER, Scór: 18, Scór iomlán: 58
Ag iarraidh imirt arís? [T/N]: N

Scór iomlán: 58
An focal is airde scór EXAMINATION, 23 de phointí
```

Spás le haghaidh sracoibre.

Ní dhéanfaidh scrúdaitheoir athbhreithniú ar an leathanach seo.

Ná tabhair an ceistpháipéar seo ar ais.  
Ní chuirfear an doiciméad seo ar ais chuig  
Coimisiún na Scrúduithe Stáit.

**Fógra cóipchirt**

D'fhéadfadh sé go bhfuil téacsanna nó íomhánna sa scrúdpháipéar seo nach é Coimisiún na Scrúduithe Stáit úinéir an chóipchirt orthu, agus d'fhéadfadh sé gur athchóiríodh iad, chun críoch an mheasúnaithe, gan cead na n-údar a fháil roimh ré. Ullmhaíodh an scrúdpháipéar seo de réir alt 53(5) den Acht Cóipchirt agus Ceart Gaolmhar, 2000. Ní údaraítear aon úsáid dá éis chun aon chríche ach amháin chun na críche a bhfuil sé beartaithe chuici. Ní ghlacann an Coimisiún aon dliteanas as sárú ar bith ar chearta tríú páirtí a eascraíonn as dáileadh nó úsáid neamhúdaraíthe an scrúdpháipéir seo.

Scrúdú na hArdteistiméireachta – Ardleibhéal

**Ríomheolaíocht – Roinn C**

Dé Céadaoin, 20 Bealtaine  
Maidin 11:30 – 12:30